

ՄԵՍՐՈՊ ՄԱՇՏՈՑԻ ԾՆՆԴՅԱՆ 1600-ԱՄՅԱԿԻ ԱՌԹԻՎ

Նկատի ունենալով հայ գրերի ստեղծող և զարթոթյան հիմնադիր Մեսրոպ Մաշտոցի մատուցած վիթխարի ծառայությունները հայ ժողովրդի կուլտուրայի զարգացման գործում, Հայաստանի Կոմունիստական պարտիայի Կենտրոնական Կոմիտեն և Հայկական Սովետական Սոցիալիստական Ռեսպուբլիկայի Մինիստրների Սովետը որոշեցին 1962 թվականի մայիսի կրկրորդ կեսին նշել հայ գրերի ստեղծող և հայ զարթոթյան հիմնադիր Մեսրոպ Մաշտոցի ծննդյան 1600-ամյակը:

Ստեղծված է այդ նշանավոր տարեկիցը անցկացնող Ռեսպուբլիկական հորելյանական հանձնաժողով, որի նախագահն է Հայկական ՍՍՌ Մինիստրների Սովետի նախագահ Ա. Քոչինյանը: Հանձնաժողովի կազմի մեջ մտել են մեր Ռեսպուբլիկայի պարտիական ու պետական գործիչներ, գիտություն, գրականության և արվեստի ականավոր ներկայացուցիչներ, հայաբնակական կազմակերպությունների և մամուլի աշխատողներ:

Քննարկելով այն միջոցառումները, որ նախատեսվում են անցկացնել համաժողովրդական այդ տոնի առթիվ, Ռեսպուբլիկական հորելյանական հանձնաժողովը որոշեց Մեսրոպ Մաշտոցի ծննդյան 1600-ամյակին նվիրված հանդիսավոր նիստը հրավիրել մայիսի 26-ին, Երևանում: Հորելյանական հանդեսին կմասնակցեն հյուրեր Ծոսկվայից, Լենինգրադից, միութենական Ռեսպուբլիկաներից, ինչպես նաև արտասահմանյան երկրներից: Հորելյանական հանդիսավոր նիստեր կհրավիրվեն նաև Լենինականում, Կիրովականում և Աշտարակում:

Հորելյանի օրերին Հայկական ՍՍՌ շրջանային կենտրոններում, բարձրագույն ուսումնական հաստատություններում, Գիտությունների ակադեմիայում, Երևանի Պետական Մատենադարանում, զարթոթներում կկազմակերպվեն գրական երեկոներ ու զեկուցումներ՝ նվիր-

ված Մեսրոպ Մաշտոցի ծննդյան 1600-ամյակին:

Հատուկ գիտական սեսիաներ տեղի կունենան Հայկական ՍՍՌ Գիտությունների ակադեմիայում և Հայկական ՍՍՌ Մինիստրների Սովետին առնթեր Հին ձեռագրերի գիտահետազոտական ինստիտուտում՝ Մատենադարանում:

Գիտությունների ակադեմիայի Գրականության, Լեզվի, Պատմության, Հնագիտության և ազգագրության ինստիտուտների, Փիլիսոփայության և իրավունքի, Արևելագիտության սեկտորի գիտական աշխատակիցները կկարդան մի շարք զեկուցումներ և գիտական հաղորդումներ («Մեսրոպ Մաշտոցը և հայ գրականության սկզբնավորումը», «Կորյունի «Վարք Մաշտոցի» գիրքը», «Մաշտոցը հայ ժողովրդական բանահյուսության մեջ», «Հայ գրերի գյուտը եվրոպական և ռուսական հայագիտության գնահատմամբ», «Հայ գրերի տեսակների զարգացումը», «Մեսրոպ Մաշտոցը և նրա ժամանակը», «Մեսրոպ Մաշտոցը և հայ-ասորական կուլտուրական կապերը», «Մեսրոպ Մաշտոցը և V դարի գրարարը» և այլն):

Մատենադարանի գիտական սեսիայում կլսվեն զեկուցումներ «Գրերի գյուտը և հայ միջնադարյան բանաստեղծությունը», «Հայ հին թարգմանչական գրականությունը», «Մեսրոպ Մաշտոցի անմիջական աշակերտները», «Հայ տպագրության 450-ամյակը» և այլ թեմաներով:

Հորելյանի առթիվ Հայաստանի Պետական Հրատարակչությունը, Հայկական ՍՍՌ Գիտությունների ակադեմիայի և Երևանի Պետական համալսարանի հրատարակչությունները լույս կրնծայեն համապատասխան գրքեր ու աշխատություններ:

ԱԿԱԳԵՄԻԿՈՍ ԿԵԼԳԻՇԸ ՀԱՅԱՍՏԱՆՈՒՄ

Նոյեմբերի 28—30-ը Հայաստանի գիտնականների մոտ հյուր եղավ Սովետական Միության Գիտությունների ակադեմիայի պրեզիդենտ, ակադեմիկոս Մատիսլավ Վսեվոլոդովիչ Կելդիշը:

Երկու օրվա ընթացքում նա ծանոթացավ Հայկական ՍՍՌ Գիտությունների ակադեմիայի և ճշգրտային 9 գիտա-հետազոտական հիմնարկների աշխատանքների հետ:

Հայկական ՍՍՌ Մինիստրների Սովետի նախագահ Ա. Ե. Քոչինյանի, Հայկական ՍՍՌ Գիտությունների ակադեմիայի պրեզիդենտ, ակադեմիկոս Վ. Հ. Համբարձումյանի, ՍՍՌ Մինիստրների Սովետի գիտական հետազոտությունների կոորդինացման պետական կոմիտեի նախագահի տեղակալ Գ. Մ. Գոցերիձեի, Հայկական ՍՍՌ Մինիստրների Սովետի գիտական հետազոտությունների կոորդինացման պետական կոմիտեի նախագահ Բ. Ե. Սարգիսովի հետ միասին Ակադեմիայի պրեզիդենտ Մ. Վ. Կելդիշը եղավ Բյուրականի աստղադիտարանում, Մաթեմատիկայի և մեխանիկայի, Երկրաբանության, էներգետիկայի, Նուրբ օրգանական քիմիայի, Հայկական ՍՍՌ Ժողանտխորհի քիմիայի ինստիտուտներում, Հաշվողական կենտրոնում, Ֆիզիկայի ինստիտուտի էլեկտրոնային արագացուցիչի շինարարությունում, Ռադիոֆիզիկայի և էլեկտրոնիկայի ինստիտուտում և Կիրովի անվան գործարանում:

Ընդամենը տասը տարի է անցել ականավոր գիտնականի առաջին անգամ Հայաստան այցելելուց: Այդ կարճ ժամանակամիջոցում ռեսպուբլիկայի գիտական կյանքում, խնչպես նշեց ՍՍՌ ԳԱ պրեզիդենտը, տեղի են ունեցել հսկայական տեղաշարժեր: Բավական է ասել, որ վերը թվարկած դիտա-հետազոտական հիմնարկներից միայն 3-ն են գոյություն ունեցել 1950 թ., մյուսները ստեղծվել են վերջին տարիներում: Շատ նոր բաժիններով, լաբորատորիաներով, ուղղություններով ընդարձակվել են ռեսպուբլիկայի գիտական հիմնարկները:

Բյուրականի աստղադիտարանում ակադեմիկոս Մ. Վ. Կելդիշին, Ա. Ե. Քոչինյանին և մյուս հյուրերին բացատրություններ տվեց Աստղադիտարանի դիրեկտոր ակադեմիկոս Վ. Հ. Համբարձումյանը:

Այստեղ հյուրերը ծանոթացան Աստղադիտարանում տեղադրված երկու խոշոր դիտակների՝ այդ թվում Գմիդաի սիստեմի Եվրոպայում ամենամեծ մետրանոց դիտակի հետ: Նրանց ցույց տրվեցին այդ դիտակների շնոր-

հիվ նկարահանված երկնային հետաքրքիր օբյեկտների ֆոտոնկարներն ու արտաքին գալակտիկաների նկարները:

Զրույցի ընթացքում շոշափվեց նոր, ավելի հզոր դիտակների պատրաստման և նրանց Բյուրականի աստղադիտարանում տեղադրման հարցը:

ՍՍՌ ԳԱ պրեզիդենտը տալով բարձր գնահատական կատարված աշխատանքներին, որոնք նոր ուղիներ են բացում ժամանակակից աստղագիտության մեջ, շեշտեց նման հզոր դիտակների անհրաժեշտությունը Բյուրականի համար և հավանություն տվեց այդ ուղղությամբ Աստղադիտարանի ձևափոխված միջոցառումներին:

Մեծ հետաքրքրություն առաջացրեցին կիբերնետիկայի ուղղությամբ Հաշվողական կենտրոնում և էներգետիկայի ինստիտուտում տարվող աշխատանքները:

էներգետիկայի ինստիտուտում Մ. Վ. Կելդիշը ծանոթացավ տեղում ստեղծված էլեկտրական սիստեմների մաթեմատիկական մոդելներին, որոնց շնորհիվ ձեռք է բերվում հաշվարկների բարձր ճշտություն, և էներգոսիստեմների ռեժիմների հաշվարկների համար նախատեսվող էլեկտրոնային թվային մեքենայի ստեղծման սկզբունքների հետ:

Հաշվողական կենտրոնում նրա ուշադրությունը գրավեց մաթեմատիկական տեքստի հայերենից ռուսերեն և ռուսերենից հայերեն մեքենայական թարգմանությունը:

Նուրբ օրգանական քիմիայի ինստիտուտում Մ. Վ. Կելդիշը մանրամասնորեն հետաքրքրվեց ինստիտուտի լաբորատորիաներում սինթեզված հայերենական նոր գանգլերոն, դիտիլին, արվինալ պրեպարատներով, նշելով նրանց մեծ նշանակությունը ժողովրդական առողջապահության մեջ և այդ ուղղությամբ տարվող աշխատանքների ընդլայնման անհրաժեշտությունը:

Ժողանտխորհի Քիմիայի ինստիտուտում ակադեմիկոս Կելդիշի ուշադրությունը գրավեցին այն աշխատանքները, որոնք կատարվում են նեֆելինային սիենիտների կոմպլեքսային մշակման և ժողովրդական տնտեսության համար նրանցից ստացվող բազմաթիվ նյութերի ուղղությամբ: ՀՍՍՌ ԳԱ թղթակից-անդամ Մ. Գ. Մանվելյանը հյուրերին ծանոթացնելով լաբորատորիական պայմաններում տուֆից և սիենիտներից ստացվող ապակեթելի, էլեկտրական մեկուսիչների, հայկական հախճապակու նմուշների հետ, բերեց նաև տեղական հում-

քի կոմպլեքսային օգտագործման տնտեսական արդյունավետությունն ապացուցող օրինակներ:

Ինչպես այս ինստիտուտում, այնպես էլ նրկաբանական գիտությունների ինստիտուտում ՍՍՌԽ ԳԱ պրեզիդենտ ակադեմիկոս Մ. Վ. Կելդիշը հետաքրքրվեց Հայաստանի բնական հարստություններով, նրանց հետախուզման և օգտագործման ուղղությամբ տարվող աշխատանքներով: Նա հատկապես հետաքրքրվեց ոսկու և այլ հազվագյուտ ու ցրված մետաղների պաշարներով, մասնավորապես նրանց բանական և որակական բովանդակությամբ:

Նրանում գտնվելու վերջին օրը ակադեմիկոս Մ. Վ. Կելդիշը հանդիպում ունեցավ Հայկական ՍՍՌ Գիտությունների ակադեմիայի նախագահության անդամների և մի շարք ակադեմիկոսների հետ:

Ջրույցի ընթացքում շոշափվեցին Հայկական ՍՍՌ Գիտությունների ակադեմիայի աշխատանքների վիճակի և հեռանկարների հարցերը:

Նոյեմբերի 30-ին Մ. Վ. Կելդիշը Հայաստանի մի խումբ գիտնականների հետ միասին մեկնեց Խբիլիսի՝ մասնակցելու Վրաստանում սովետական կարգերի հաստատման և կոմունիստական պարտիայի ստեղծման 40-ամյակին նվիրված ՍՍՌԽ Գիտությունների ակադեմիայի, Հայկական, Վրացական, Ադրբեջանական ՍՍՌ գիտությունների ակադեմիաների միացյալ գիտական սեսիային:

Ճանապարհին Մ. Վ. Կելդիշը դիտեց Աթարեկյանի հիդրոկայանը և ծանոթացավ նրա աշխատանքների հետ:

Հ. Ա.

ՄԻԱՑՅԱԼ ՀՈՐԵՀԱՆԱԿԱՆ ՍԵՍԻԱ

1961 թ. հոկտեմբերի 30-ից մինչև դեկտեմբերի 3-ը Խբիլիսիում կայացավ ՍՍՌԽ Գիտությունների ակադեմիայի, Ադրբեջանի, Վրաստանի, Հայաստանի գիտությունների ակադեմիաների միացյալ հոբելյանական սեսիան՝ նվիրված Վրաստանում Սովետական իշխանության հաստատման և Վրաստանի կոմունիստական պարտիայի ստեղծման 40-ամյակին:

Բացման պլենար նիստը տեղի ունեցավ Զ. Պալիաշվիլու անվան օպերայի և բալետի պետական թատրոնում: Վրաստանի ԿՊ Կենտկոմի քարտուղար Դ. Գ. Ստուրուան կարդաց Վրաստանի ԿՊ Կենտկոմի և Վրացական ՍՍՌ Գերագույն Սովետի ողջույնը միացյալ սեսիայի մասնակիցներին: Այնուհետև ելույթ ունեցավ ՍՍՌԽ ԳԱ պրեզիդենտ ակադեմիկոս Մ. Վ. Կելդիշը: Նա նշեց, որ պատմական կարճ ժամանակաշրջանում Վրաստանը վերածվել է ծաղկող սոցիալիստական ուսպուրիկայի, որն ունի պարզացած բազմաճյուղ արդյունաբերություն, խոշոր ու մեքենայացված գյուղատնտեսություն, առաջավոր գիտություն ու կուլտուրա: Մ. Վ. Կելդիշը բարձր գնահատական տվեց Վրացական ՍՍՌ Գիտությունների ակադեմիայի աշխատանքների արդյունքներին, ընդգծելով մասնատրիկայի ու մեխանիկայի, ֆիզիկայի, ֆիզիոլոգիայի, նրկաբանության և այլ բնական գիտությունների, ինչպես նաև պատմության, հնագիտության ու լեզվաբանության բնագավառներում ձևոր բերված նվաճումները:

Հայկական ՍՍՌ ԳԱ պրեզիդենտ ակադեմիկոս Վ. Հ. Համբարձումյանը իր ելույթում ասաց. «Վրաց ժողովրդի բազմադարյան պատմության մեջ ոսկե տառերով գրված են վառ էջեր այն հրաշալի նվաճումների մասին, որոնց հասել է Վրաստանի տաղանդավոր ժողովուրդը Սովետական իշխանության տարիների ընթացքում: Հայ և վրաց գիտնականները, — շարունակեց Վ. Հ. Համբարձումյանը, — հետևելով հաստատված տրադիցիային, առաջիկայում ևս կզնան արգասավոր համագործակցության ուղիներով, կփոխանակեն իրենց փորձը՝ ի փառս հարազատ Սովետական Հայրենիքի»:

Ադրբեջանական ՍՍՌ ԳԱ պրեզիդենտ Ադրբեջանական ՍՍՌ ԳԱ ակադեմիկոս Յու. Հ. Մամեդալիևը իր ելույթում արտահայտեց ադրբեջանական ժողովրդի ուրախությունն ու պարծանքը եղբայրական վրաց ժողովրդի պատմական նվաճումների համար, և համոզմունք հայտնեց, որ Վրաստանի աշխատավորները, ռզնորված ՍՄԿՊ XXII համագումարի որոշումներով, կհասնեն է՛լ ավելի մեծ հաջողությունների ժողովրդական տնտեսության բոլոր բնագավառներում, գիտության ու կուլտուրայի ասպարեզում, նպաստելով կոմունիզմի կառուցման մեծ գործին:

Այնուհետև Վրաստանի գիտությունը Սովետական իշխանության 40 տարիների ընթացքում՝ զեկուցումով հանդես եկավ Վրացական ՍՍՌ Գիտությունների ակադեմիայի պրեզիդենտ ակադեմիկոս Ն. Ի. Մուսխիշվիլին: Հոկ-

տեմբերյան սոցիալիստական Մեծ ուղյուցիան, ասաց նա, վրաց ժողովրդի համար բացեց լայն ճանապարհ դեպի գիտելիքներն ու ստեղծագործությունը։ Սովետական իշխանության հաստատման ժամանակից՝ Վրաստանում ըսկըսվեց նոր դարաշրջան՝ ազգային, տնտեսական ու կուլտուրական վերածննդի և ծաղկման դարաշրջանը։ Կոմունիստական պարտիայի և Սովետական կառավարության ամենօրյա հոգատարության շնորհիվ գիտության զարգացումը Վրաստանում ապահովված է բացառիկ լավ պայմաններով։

Ն. Բ. Մուսխելիշվիլին մանրամասնորեն բնութագրում է վրացական սովետական գիտության առանձին ճյուղերի զարգացման ուղիները, խոսում վրացական գիտնականների ձեռք բերած հաջողությունների մասին։ Նա բնագործում է զարգացման այսօրվա փուլի բնորոշ գծերը գիտության կապի ուժեղացումը արդյունաբերության, պրակտիկայի, կյանքի հետ, Սովետական Միության խոշոր գիտական հիմնարկների հետ կապերի ամրապնդումը, համագործակցությունը եղբայրական ռեսպուբլիկաների գիտնականների հետ և միջազգային գիտական կապերի խորացումը։

Ձեկուցումից հետո ողջույնի խոսք ասացին Լիտվական ՍՍՌ ԳԱ Նախագահության գլխավոր գիտական քարտուղար Կ. Կ. Բելյուկասը, Լատվիական ՍՍՌ ԳԱ Նախագահության տնօրեն Է. Ա. Յակուբայտիսը, Կիրգիզական ՍՍՌ ԳԱ ակադեմիկոս Ա. Մ. Մամիտովը։

Գեկտեմբերի 1-ին և 2-ին սեսիայի աշխատանքներն ընթանում էին սեկցիոն նիստերում։ Աշխատում էին մաթեմատիկայի, ֆիզիկայի, աստրոֆիզիկայի, կիբեռնետիկայի, բիոիայի, երկրաբանության, աշխարհագրության ու գեոֆիզիկայի, կենսաբանության, բժշկության, տեխնիկայի, պատմության, լեզվի ու գրականության, փիլիսոփայության, տնտեսագիտության ու իրավունքի սեկցիաները։

Համապատասխան սեկցիաների նիստերում զեկուցումներով հանդես եկան ակադեմիկոսներ Ա. Ի. Բերդը, Լ. Ի. Սեզովը, Ա. Ի. Օպարինը, Ի. Ս. Բերիտաշվիլին, Ազրբեջանական ՍՍՌ ԳԱ ակադեմիկոս Յու. Հ. Մամեդալիեր, Հայկական ՍՍՌ ԳԱ ակադեմիկոս Բ. Գ. Մաղարյանը, Հայկական ՍՍՌ ԳԱ թղթակից-անդամներ Ա. Թ. Բաբայանը, Վ. Տ. Թառայանը, Ս. Ա. Համբարձումյանը և ուրիշներ։ Սեկցիաների աշխատանքներին մասնակցեցին Հայկական ՍՍՌ ԳԱ ակադեմիկոսներ Մ. Գ. Ներսիսյանը, Ն. Խ. Հարությունյանը, Հ. Խ. Բունիաթյանը, Ս. Ս. Մկրտչյանը և ուրիշներ։

Աշխույժ անցան հասարակական գիտությունների երեք սեկցիաների աշխատանքները։ Պատմության սեկցիայի և փիլիսոփայության, տնտեսագիտության ու իրավունքի սեկցիայի համատեղ նիստերում լավեցին ՍՍՌ ԳԱ թղթակից-անդամներ Մ. Ս. Ստրոգովիչի և Վ. Պ. Դյաչենկոյի զեկուցումները իրավունքի և տնտեսագիտության հրատապ հարցերի վերաբերյալ, Վրացական ՍՍՌ ԳԱ թղթակից-անդամ Գ. Ս. Չիտայայի հաղորդումը վրացական ազգագրության զարգացման մասին՝ 40 տարում, պատմ. գիտ. դոկտոր Փ. Ա. Ազիզբեկովայի զեկուցումը «Վ. Ի. Լենինը և Անդրկովկասի ռեսպուբլիկաների կազմավորումը» թեմայով, պատմ. գիտ. թեկնածու Ն. Վ. Խոշտարիայի զեկուցումը հնագիտական նորագույն գյուղերի մասին և մի շարք այլ հետաքրքրական զեկուցումներ։ Հայաստանի գիտնականներից պատմության սեկցիայում զեկուցումներով հանդես եկան պատմ. գիտ. դոկտոր Գ. Բ. Ղարիբջանյանը՝ «Կովկասի բուլղարների գործունեության ղեկավարությունը Վ. Ի. Լենինի կողմից արտասահմանում» թեմայով և պատմ. գիտ. թեկնածու Գ. Խ. Սարգսյանը՝ «Հին Հայաստանի սոցիալ-տնտեսական զարգացման ուղիների մասին» թեմայով։

Լեզվի և գրականության սեկցիայում լրսվեցին Վրացական ՍՍՌ ԳԱ ակադեմիկոսներ Ա. Գ. Բարամիձեի («XII դարի վրացական հումանիստական դրականության մասին»), Գ. Ն. Լեոնիձեի («Վրացական սովետական գրականագիտությունը 40 տարում»), Ա. Ս. Չիքորավայի («Լեոնային իրերա-կովկասյան լեզուների գծով առաջին դասումների հարցի շուրջը») զեկուցումները և մի շարք այլ հաղորդումներ։

Գեկտեմբերի 3-ին սեսիայի մասնակիցները ծանոթացան Վրաստանի առաջատար գիտական հիմնարկների գործունեությանը, ինչպես նաև մի շարք արդյունաբերական ձեռնարկների և կուլտուրական հիմնարկների աշխատանքի հետ։ Ներկայան Վրացական ՍՍՌ ԳԱ Նախագահությունը բնորոշություն կազմակերպեց ի պատիվ միացյալ գիտական սեսիայի մասնակիցների։ Ընդունելությունն անցավ ջերմ մթնոլորտում։

Միացյալ հորելյանական սեսիան մեծ հետաքրքրություն առաջացրեց Վրաստանի մայրաքաղաքի հասարակայնության մեջ։

Գ. Ս.

ԳԻՏԱԿԱՆ ՆԱՏԱՇՐՋԱՆ ՆԱԿԱԾ ԵՄԵՐԱԿԱՆ ԾԱՆՈԹՅԱՆԻ ԾԱՆՈԹՅԱՆ 300-ԱՄՅԱԿԻՆ

Հրացավ միջնադարյան հայ պոեզիայի խոշորագույն ներկայացուցիչներից մեկի՝ Նաղաշ Հովնաթանի ծննդյան 300 տարին՝ Հին-լով հանճարեղ Սայաթ-Նովայի անմիջական նախորդը, Նաղաշ Հովնաթանը միջնադարյան հայ քնարերգության լավագույն տրագիցիաները սերտորեն շաղկապեց գուսանական-ժողովրդական սյուրեալի հետ։ Իր ստեղծագործության բոլոր կողմերով բանաստեղծը կապված էր ժողովրդի հետ։ Ժողովրդական բանահյուսության կենսահորդ աղբյուրից սնված, ժողովրդի վիշտն ու ուրախությունը արտահայտող նրա ստեղծագործությունները հեղինակին կենդանության օրոք արդեն դարձրել էին ճանաչված և սիրված բանաստեղծ։

Հայաստանի աշխատավորությունը արժանավայել կերպով նշեց Նաղաշ Հովնաթանի ծննդյան 300-ամյակը, գասախոսություններ կարդացվեցին ռեսպուբլիկայի մի շարք վայրերում, ինչպես նաև բանաստեղծի ծննդավայրում՝ Շոռոթում։ Միջոցառումներից ամենաուշագրավը Մատենադարանի և Հայկական ՍՍՌ ԳԻՒՄ-ի կողմից անվան գրականության ինստիտուտի կազմակերպած երկօրյա գիտական նստաշրջանն էր, որը տեղի ունեցավ Մատենադարանում, 1961 թ. դեկտեմբերի 15—16-ը։

Մատենադարանի դիրեկտոր Լ. Խաչիկյանն իր բացման խոսքում հակիրճ, բայց հիմնական գծերով բնութագրեց պատմական այն միջավայրը, որտեղ կազմավորվել է Նաղաշ Հովնաթանը որպես բանաստեղծ և նկարիչ։ Ուշագրավ փաստերով ցույց տալով Շոռոթի՝ պատմական Հայաստանի Գողթան գավառի այդ փոքրիկ գյուղաքաղաքի առևտրա-տնտեսական վիճակն ու նշանակությունը XVII—XVIII դդ., նա ուրվագծեց այն պայմանները, որոնք խթան էին հանդիսանում առևտրի, արհեստագործության և այդ հիմքի վրա՝ մշակութային կյանքի աշխուժացման համար։

«Նաղաշ Հովնաթանի կյանքն ու գրական ժառանգությունը» թեմայով ընդարձակ գեկուցում կարդաց Մատենադարանի ավագ գիտաշխատող Շ. Նազարյանը։ Նա հրապարակեց տարիների ընթացքում Նաղաշ Հովնաթանի գրական ժառանգության իր կատարած ուսումնասիրության արդյունքները։

Հետաքրքրությամբ լսվեց պրոֆ. Գ. Սևակի գեկուցումը «Նաղաշ Հովնաթանի լեզուն» թեմայով։ Բանաստեղծի լեզվա-ոճական առանձնահատկությունները գնահատելուց բացի, պրոֆ. Սևակը ցույց տվեց, որ Նաղաշի բա-

նաստեղծությունների ընդօրինակումները կատարված են լեզվական տարբեր միջավայրերում։ Իրա հետևանքով շատ տաղարաններում Նաղաշի ոտանավորները լեզվական ֆակտորայի տեսակետից հեռացել են Նաղաշյան բուն, հարազատ կոլորիտից և այդ տեսքով էլ մոտրգործել առանձին հրատարակությունների մեջ։ Զեկուցողը հույս հայտնեց, որ հետագա հրատարակություններում այդ վրիպումները կուղղվեն։

Այնուհետև «Նաղաշ Հովնաթանի տաղարանները» թեմայով գեկուցեց բանասիրական գիտությունների թեկնածու Ա. Մնացականյանը, որը ցույց տվեց Նաղաշի ոտանավորները պարունակող տաղարանների փոխադարձ առնչակցությունը, սերումը և հետագա ճյուղավորումները։

Նստաշրջանի երկրորդ օրը լսվեց արվեստագիտության թեկնածու Մ. Սարգսյանի «Նաղաշ Հովնաթանը և Հովնաթանյանների նկարչական դպրոցը» գեկուցումը։ Նաղաշ Հովնաթանի նկարչական համբավը տարածվել էր իր հայրենիքի սահմաններից դուրս և Վրաստանի Վախթանգ VI թագավորը հրավիրել էր նրան իր մոտ որպես պալատական նկարիչ։ Նաղաշի սերունդը հետագայում հայ ժողովրդին տվեց նկարիչների մի հրաշալի հույ՝ Հակոբ, Հարություն, Հովնաթան, Մկրտում, Հակոբ, Աղաթոն Հովնաթանյաններ, որոնք մոտ 200 տարի զարգացրին հայ նկարչությունը, հատկապես՝ դիմանկարչությունը։

Տեսական հետաքրքրություն էր ներկայացնում բանասիրական գիտությունների թեկնածու Մ. Ավագյանի «Հայ նոր գրականության նախանշանները XVI—XVII դդ. տաղերգության մեջ և Նաղաշ Հովնաթանը» գեկուցումը։

«Նաղաշ Հովնաթանը և աշուղական պոեզիան» գեկուցումով հանդես եկավ բանասիրական գիտությունների թեկնածու Հ. Սահակյանը։ Նա ցույց տվեց Նաղաշ Հովնաթանի կատարած դերը աշուղական պոեզիայի զարգացման և մասնավորապես Սայաթ-Նովայի հրապարակ գալը նախապատրաստելու գործում։ Զեկուցողը հրապարակեց XVII դ. նշանավոր գրող և հասարակական գործիչ Երեմիա Քյոմուրճյանի՝ Պոլսից գրած նամակը Նաղաշ Հովնաթանին։

Նաղաշ Հովնաթանի թիֆլիսյան շրջանի գործունեության մասին շատ կցկտուր տեղեկություններ են պահպանվել, այն էլ իր ոտանա-

վորներում՝ առանձին ակնարկների ձևով: Դա-
նաստեղծի կենսագրության ուսումնասիրության
համար օժանդակ նշանակություն ունի նրա ապ-
րած ժամանակաշրջանում Վրաստանի մշակու-
թային կյանքում հայերի ունեցած մասնակցու-
թյան հարցի լուսարանում: Այդպիսի փորձ էր

արված Գրականության ինստիտուտի ասպի-
րանտ Պ. Մուրադյանի զեկուցման մեջ:

Խոսաշրջանի արդյունքներն ամփոփեց
Գրականության ինստիտուտի դիրեկտոր Գ. Հով-
նանը:

Վ. Գ.

ՄԵԾԱՐՄԱՆ ԵՐԵՒՈ

1961 թ. դեկտեմբերի 27-ին Հայկական
ՍՍՌ Գիտությունների ակադեմիայում տեղի
ունեցավ երեկո, նվիրված մեր ռեսպուբլիկայի
ավագագույն գրականագետներից մեկի՝ Խորեն
Սարգսյանի ծննդյան 70 և գիտական գործու-
նեության 40-ամյակին: Հոբելյարին մեծարե-
րու էին եկել գրականագետներ, գրողներ, պատ-
մաբաններ, գիտության այլ բնագավառների
ներկայացուցիչներ, ասպիրանտներ և ուսու-
նողներ:

Երեկոն ներածական խոսքով բաց արեց
Հայկական ՍՍՌ ԳԱ Գրականության ինստի-
տուտի դիրեկտոր Գ. Հովնանը: Բանասիրական
գիտությունների թեկնածու Ա. Ինճիկյանը Գրա-
կանության ինստիտուտի դիրեկցիայի և ողջ
կոլեկտիվի կողմից ջերմորեն շնորհավորելով
հոբելյարին, համառոտակի բնութագրեց նրա
կյանքի ուղին և գիտական-ստեղծագործակա-
նեղամնավոր գործունեությունը:

Խ. Սարգսյանը երկար տարիներ աշխա-
տել է Գրականության թանգարանում, նախ
որպես բաժնի վարիչ, իսկ ապա՝ դիրեկտոր:
Նրա ջանքերով հավաքվել ու գիտական մշակ-
ման են ենթարկվել հայ դասական գրչուների
բազմաթիվ ձեռագրեր: Հայկական ՍՍՌ ԳԱ
ստեղծման օրից Խ. Սարգսյանն աշխատանքի է
անցնում Գրականության ինստիտուտում, որի
դիրեկտորն է եղել 1943—47 թվականներին:
Այժմ նա նույն ինստիտուտի հայ հին գրակա-
նության սեկտորի վարիչն է: Նրա բեղմնավոր
գրչին են պատկանում մի քանի տասնյակ ու-
սումնասիրություններ: Հատկապես հետաքրք-
րի ու արժեքավոր են Մ. Նալբանդյանին,
Ղ. Աղայանին, Վ. Տերյանին, Ստ. Զորյանին,
Ա. Բակունցին, Մ. Արեղյանին նվիրված հե-
տազոտությունները:

Խ. Սարգսյանը աչքի բնկնող աշխատանք
է կատարել տերստաբանության բնագավառում:
Նա է նախապատրաստել և իրականացրել Պ.
Պոռշյանի, Ղ. Աղայանի երկերի ու անտիպ
նամակների առաջին գիտական հրատարակու-
թյունը, ինչպես նաև Մ. Նալբանդյանի ստեղ-
ծագործությունների երկհատորյակը՝ ռուսերեն:

Մեծարման երեկոյին վաստակավոր հո-
բելյարին ջերմորեն ողջունեցին՝ Հայկական
ՍՍՌ ԳԱ նախագահության անունից՝ Ա. Կա-
րինյանը, Հայաստանի Սովետական գրողների
միության վարչության կողմից՝ Հր. Թաթրադ-
յանը, Լեզվի ինստիտուտից՝ Ե. Տեր-Մինաս-
յանը, Արվեստի ինստիտուտից՝ Մ. Մուրադ-
յանը: Ողջույններ հաղորդվեցին նաև Մատենա-
դարանի, Պատմության ինստիտուտի, Ակադե-
միայի Հրատարակչության, Երևանի Պետական
համալսարանի բանասիրական ֆակուլտետի,
Հեռակա մանկավարժական ինստիտուտի, Գրա-
կանության և արվեստի թանգարանի, Հնագի-
տության և ազգագրության ինստիտուտի կո-
լեկտիվների, Քաղաքական և գիտական գիտե-
լիքների տարածման ընկերության վարչության,
Գրականության ինստիտուտի սովետահայ, հայ
հին և նոր գրականության սեկտորների կողմից:
Բանաստեղծ Հ. Սահյանը կարդաց հոբելյարին
նվիրված իր ստեղծագործությունը:

Երեկոյին հրապարակվեց Հայկական ՍՍՌ
Գերագույն Սովետի նախագահության հրամա-
նագիրը Խ. Սարգսյանին գիտության վաստա-
կավոր գործչի կոչում շնորհելու մասին:

Վերջում շնորհակալական խոսքով հանդես
եկավ հոբելյարը:

Ա. Գ.